

MOCIÓN CONXUNTA PARA RECLAMAR MÁIS
RECURSOS CONTRA A VIOLENCIA MACHISTA QUE
GARANTAN A XUSTIZA DE CALIDADE

PLENO 09 de MAIO 2019. ACTA 07/2019

Moción do conxunta do PP, PSdeG-PSOE, AER, BNG e Concelleiro Non Adscrito, con entrada no Concello o día 02.05.2019 con número 2019-E-RC-5881 que se transcribe a continuación:

“O día 29 de agosto de 2018, saía publicada na prensa unha alarmante e grave denuncia do persoal de xustiza de Redondela sobre as carencias en materia de xénero do Xulgado número 2 do noso concello. Dita sala asume as competencias de violencia machista dun xeito precario xa que segundo a plantilla do persoal do xulgado: non existen protocolos de actuación específicos en materia de xénero; nin asistencia psicolóxica para as vítimas; as testemuñas non posúen un espazo onde garantir a súa seguridade e non contaminación das declaracións debido a que non están separados dalgunha das partes: e menos aínda, existe unha sala especializada onde as vítimas podan ter garantida a súa integridade, intimidade e asesoramento xurídico.

Esta situación leva sendo denunciada polos sindicatos dende fai tempo. O persoal do xulgado, por propia vontade e a maioría sen formación específica, está facendo labores que atópanse fóra das súas competencias en prol da xustiza e benestar das vítimas. De xeito que os propios traballadores e traballadoras están a dar apoio psicolóxica ás vítimas, ao igual que fan “malabares” polos corredores do xulgado para evitar que a vítima se atope co denunciado ou cos seus familiares, chegando incluso a facerse cargo dos fillos ou fillas das vítimas mentres declaran.

As vítimas de violencia machista non confiarán na xustiza se está atópase alonxada dos seus dereitos, prestándose dun xeito precario sen garantir a súa integridade e privacidade. Se a probabilidade de renunciar ao procedemento por descoñecemento sitúase nun 74%, a falta de espazo que non permite un adecuado asesoramento dos letrados ou letradas cara ás vítimas no noso concello, coaccionará as decisións de mulleres. É dicir, as mulleres sufrirán unha dobre violencia machista, persoal e institucional.

Dende a Asemblea Feminista Paxaretas, reclamamos o que xa pertence a sociedade, pero non se cumpre debido a que o decreto legislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade recolle:

Art. 5,2f) A garantía do exercicio dos dereitos das mulleres, a través, entre outras medidas, da difusión de información sobre a igualdade de oportunidades e da colaboración cos órganos xudiciais cando proceda segundo a lexislación.

Art. 21.2 2. A Administración autonómica impartirá cursos continuos de formación sobre a igualdade de xénero, principalmente dirixidos aos colectivos de educación, servizos sociais, persoal sanitario, persoal de Administración de xustiza e dos diversos corpos policiais, nos cales sempre estarán presentes contidos sobre a violencia contra as mulleres.

E no Pacto de Estado Contra a Violencia Machista, utilizando este debido a que o Pacto Galego carece de desenrolo pola pouca prioridade que o Goberno da Xunta de Galicia outorgalle, establece nos acordos:

65. Dar a máxima relevancia na estrutura institucional ás políticas contra a violencia de xénero.

122. Reforzar a especialización no ámbito procesal intermedio (xulgados penais), que son os que atenden a maior número de casos.

133. Para evitar a vitimización secundaria, priorizar a adecuación dos Xulgados de Violencia sobre a Muller e xulgados especializados, con dependencias que impidan a confrontación vítima/agresor, dotándoos de medios audiovisuais que eviten a repetición das declaracións e de intérpretes cualificados. Estas mesmas dependencias poderán ser utilizadas para os casos de agresións sexuais e trata de persoas con fins de explotación sexual.

134. Levar a cabo as medidas oportunas para a habilitación de instalacións amigables nos Xulgados (incluídas cámaras de Gesell) para atender aos nenos e ás nenas vítimas.

135. Dotar de maiores recursos aos equipos psico-sociais para que os xuíces e xuízas poidan contar, sen dilación, cos pertinentes informes, evitando o colapso dos xulgados.

Polo anteriormente exposto, a asemblea feminista paxaretas solicita do Pleno da Corporación municipal a adopción do seguinte **ACORDO**:

1. Instar a Xunta de Galicia a dotar dunha partida orzamentaria para a creación dun espazo especializado para as vítimas de violencia machista no Xulgado número 2 de Redondela.”

VOTACIÓN E ACORDO:

Sometido o asunto a votación, o Concello Pleno, en votación ordinaria e por unanimidade dos/as Sres./as concelleiros/as, (09 do PP, 06 do PSdeG-PSOE, 04 de A.E.R., 01 do BNG e 01 do concelleiro non adscrito) aprobou a Moción nos antecedentes transcrita.